

Sullinneqarnerpit pitsaassusia pillugu naammagittaaliuute-qarsinnaavutit, naammagittaaliuuteqarnermi pineqarpat:

Peqqinnissaqarfiup sullissinera, matumani:

- Sulisut pissusilorsornerat
- Ininut tunngasut
- Nakorsiartarfiiup ammasarfii
- Utaqqisarnerup sisvisussusaa

Naammagittaaliuut sumut nassiutissavara?

Sullinneqarneq pillugu naammagittaaliuut nassiunneqassaaq unnga:

Peqqinnissaqarfimmik aqutsisoqarfik

Postboks 1001
3900 Nuuk

Oqarasuaat: 34 40 00 - Telefaxi: 34 43 33
mail: sundhedsledelsen@peqqik.gl

Oqaloqateqarneq: Illit tusaaneqarnissannut periarfissat

Maalaaruteqannginninni nalileruk sumiiffimmi pisimasoq sulisut peqatigalugit eqqartoqqaarusunnerlugu. Pisinnaatitaaffigaat sulisunik imaluunniit najukkanni pisortaasoq nammineerlutit oqaloqateqarnikkut misigisimasatit saqqummiunnisaanut.

Tamanna amerlasuitigut pisimasup sukkasuumik piaartumillu nassuiarneqarnissanut aqqutissaasinnaavoq. Sulisut suliamut qanoq isumaqarnertik paatso-oqatigiissinnaanerillu pillugit saqqumiusisinnaassagunik nuannaarutigisussavaat.

Oqaloqatigiinneq amerlanertigut peqqinnissaqarfimmik sulisut ilinnik passussismasut peqatigalugit pisassaaq, taamaaliortoqarneratigullu passuneqarnerpit nammineerlutit qanoq misigisimanerlugu saqqummiunnisaanut periarfissaqas-saatit. Imaassinnaavoq paasisimanngisannut apeqqutissaqartutit. Aamma ima-assinnaavoq sooq taamak iliorsimanerannut nassuaanneqarnissamik pisari-aqartitsisutit.

Napparsimasunut amerlasuunut oqaloqateqarneq misigisimasamik iluaatsumik unititsisinhaavoq.

Oqaloqateqarnissamut akuersinguit imaanngilaq maalaaruteqarnissannut naagaartutit. Oqaloqateqarnerup kingorna maalaaruteqarnissat kissaatigigukku soorunamipisinhaatitaaffigaat. Kingusinnerusukkut maalaaruteqarsimaguit maalaarutip qanoq inernilerneqarnissaanut oqaloqateqarsimanerit sunniuteqarna-vianngilaq.

Naammagittaaliuut qaqugu tunniutissavara?

Pisup pinerata kingornatigut sapinngisamik piaernerpaamik naammagittaaliuut tunniuttariaqassavat.

Tamanna pingaaruteqarpoq naammagittaaliuutip peqqissaartumik misissorneqr-nissaa qularnaarumallugu. Pisoq qangangaatsiarli pisimappat sulisut pisumi peqataasut pisoq eqqaamasaqarfijuminaatsissinnaavaat imaluunniit allamik sulifittaarsimassapput, taamaattumik naammagittaaliuut malinnaaffigiuminaatsis-savaat.

Naammagittaaliuut sunik imaqassava?

Naammagittaaliuutit sularineqassappat paassisutissat makku pisariaqartineqassapput:

- Atit aamma sumi najugaqarnerit aamma inuttut normut (cpr.-nummer).
- Oqarasuaatip normua aamma/imaluunniit e-mail.
- Naammagittaaliuutigerusutamik allaaserinninneq.
- Pisoq sumi qangalu piva.

Sulisut pisumi peqataasut aqqi eqqaamasinnaagukkit, pisup ingerlanerata nassuiarneqarnissaanut taakku iluaqutaalluassapput.

Alla sinnerlugu naammagittaaliiorsinnaavunga?

Angajoqqaat meeqqatik 18-it inorlugit ukioqarsimappata sinnerlugin naammagittaaliorsinnaapput. Angajoqqaatut/akisussaatitaasoq/illersuisussangortitaasoq pineqartoq sinnerlugu naammagittaaliuuteqarsinnaavoq. Alla sinnerlugu naammagittaaliuuteqassaguit pisinnaatitsisumvik atsiukkamik ilangussissaatit.

Tamanna aamma atuuppoq, qanignerpaasat suli inuusut pineqartillugit, assersuutigalugu angajoqqaat, qitornat inersimasut, aapparisaq imaluunniit inooqatigisaq.

Tamanna pissuteqarpoq naammagittaalliummik suliaq tamatigut inummut namminermut aamma allanut oqaatigeqqussaanngitsunik imaqtarmat, pineqartorlu akuersisimatinnagu peqqinnissaqarfik oqaaseqarsinnaanngilaq.

Naammagittaalliorssinnaanermut periarfissat allat

Isumaqaruit peqqinnissaqarfimmit peqqinnissamut tunngassutigut sullinneqarninnut atatillugu kukkusosqarsimasoq, taava Nunatta Nakorsaaneqarfianut naammagittaalliorissamut periarfissaqarputit.

Peqqissaalluni sullissinermi makku ilaatigut sularineqartarput: misissuineq, nappaatip suussusersinera aamma katsorsaaneq, sularitinnissaq pillugu paassisutissineq aamma akuersineq, Nappaatip nalunaarsornera, peqqinnissaqarfimmi sulisut hipangiussisimasussaatitaanerat aamma nakorsap allagarsiussarisartagai.

Paasisaqnerorusukkuit napparsimasut naammagittaalliorssinnaanerat pillugu naammagittaalliorissamut ilitsersuut: "*Peqqinnissamut tunngasutigut sullinneqarnermut ima naammagittaalliuuteqarsinnaavutit*", takuuk.



Sullinneqarnerpit pitsaassusia pillugu imatut naammagittaalliuuteqarsinnaavutit

